



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Chronicon Montis-Sereni Sive Lavterbergense**

**Mader, Joachim Johann**

**Helmestadi, 1665**

Reineri Reineccii In Historiam De Viperto Groicensi Notatio.

**urn:nbn:de:hbz:466:1-11088**

REINERI REINECII  
IN HISTORIAM DE VIPERTO GROI-  
CENSI NOTATIO.

De genere Viperti regio relinquō omnia in medio. Neque  
Denim ubi locorum aut gentium majores ejus primi rerum  
potiti sunt, vel alibi me legore memini, vel definiri de auctoris  
nostrī expositionibus potest. Quod si cui tamen eam sequi con-  
jecturam libet, oriundum Vipertum fuisse à Germaniæ populis  
antiquissimis, eoque Teutonia nomen alludere: quippe quod  
à Teutonibus profectum auctorijs peculiariter accommodare  
tractibus videatur, quos alij Nordalbingis attribuunt, hoc est  
Holsatiæ, Stormariæ, Ditmarsiæ, quemadmodum ex Helmoldo  
planum sit, nihil reclamarim. Enimvero Ditmarsos à  
Teutonibus conditos, dubium nullum est, ac si dicas Teuto-  
nas riparios aut continentis incolas, nempe à regionis situ. Est  
enim & ipsorum & Saxonum lingua *Marsch* continens, & lo-  
cus littoralis. Apparet autem familiam & majores Viperti  
varijs iactatos casibus etiam fortuna varia rempublicam atque  
ipsam regiam dignitatem gessisse, imò bellorum quodam in-  
domito studio sedes crebro mutasse. Hinc enim est, quod  
*Herlibo primus Brandeburgi*, quod *VVolfus* primum in Pomera-  
nia deinde in Dania consedere. Nec improbarim conjectu-  
ram *Herlibone* genitos filios commune istud *Harlungorum* co-  
gnomentum à veterum Harlungorum memoria, quos ex Al-  
satia in ea loca transstulisse perhibetur Carolus Magnus & à  
quibus mons *Harlungorum*, hodie *Marianus* nuncupatus, in An-  
nalibus celebratur, repetiisse. In iisdem *Herliboni* alteri ma-  
gnū cum accolis Henetis usum, singularemque benevolen-  
tiae

tiæ conjunctionem fuisse, augurari inde verisimiliter possumus, quod filium alterum Heneto nomine *Sueribor* appellari voluit. Qui ita in paterna vestigia successit, ut ex ejusdem gentis lingua & ipse filio suo nomen posuerit. Ad alterum Herlibonis secundi filium, *Syetiboris* fratrem, *VVolfum* ab adverso in Danis exilii casu regia ibi dignitas rediit, & idem tum familiæ *Balsamorum* regionem (nam ita Annales nominant) acquisivit: Quæcum postea etiam Viperto F. mansisset, natus illo Vipertus alter, facta permutatione ab Vdone Stadensi *Grosicam* in Mysorum finibus comparavit. Minime autem hic nobis prætereundus scrupulus erat, quem plerique de Balsamorum regione sibi injecere. Nam Brotius hoc nomine *Holsatiam* accipit: Qua in re quas vel rationes vel conjecturas sequatur, incertum est. Ego hoc quod ~~est~~ nullas habet, amplexari malim, nimitem *Balsamorum* regionem idem territorium esse, quod hodie etiam num in *Marschia* veteri vocatur das *Balsamerland* / oder *Balsamer Weichbild* / à fluvio *Balsamo*, qui in agris collectus in alterum flumen *Vchtam* infra *Stendaliam* se exonerat. Convenit enim historia Vdonis Stadensis: & includunt alij disertè Balsamorum regio- ni *Stendaliam*, *Osterburgum*, *Arneburgum*, &c. Accedit huic præterea, quod habet Helmoldus l. 1. cap. 89. de gentibus ab Alberto Vrso in desolatos *Henctorum* fines collocatis: *Australe*, inquit, *littus Albis* e tempore cœperunt incolere *Hollandi* advenæ, ab urbe *Saleveldele* (rectius fortasse *Solvvedel*) omnem terram palustrem atq; campestrem terram, que dicitur *Balsamerlande* & *Marschinerlande*, civitates & oppida multa valde, usque ad saltum *Bojemicum* possederunt *Hollandi*. Hactenus Helmoldus. Cæterum ut ad mentionem de majorum Viperti in Nordalbingis Teutoniæ regno redeamus, si quis huic forsitan inde fidem derogandam existimaverit, quod gentes istas à Carolo Magno bello subactas, exinde in Saxonum permanisse ditio- ne, ac familiæ *Billinganæ* paruisse constat, is è contrario & ad

ca

ea animum advertat, quæ de gentium istarum ferocia passim auctorum monumentis prodita sunt. Inde enim fieri potuit, ut pacis leges tam strictè non observarint. Quare ut vestigiales ramen Francis quam Saxonibus fuisse non negarim, ita ~~auroviacos~~ retinuisse, multa docent. Neque à vero alienum est, eadem ex causa magistratus quos vellent legisse, atque in his etiam regiam dignitatem, forte veterum Saxonum exemplo, admisisse. Dithmarsos quidem Henrici Leonis temporibus Comitem peculiarem habuisse, ex Helmoldi historia evidens fit. Et Nordalbingorum finitimis Obotritis Henetis nunc reges nunc Principes imperasse, certum est. Ut de Viperti majoribus id amplius suspicer, regiam eorum dignitatem tantummodo arbitriam extitisse, seu quæ à populi suffragijs absque ullo hereditariæ successionis jure penderet. Eodem enim retulerim, quod sedes toties mutarint, cum scilicet domi fortuna incerta starent. Ut autem stirpis propagatio intelligatur, stemma hic breviter subjici.

ERA-

ALUMAT

## FRATRES

EMELRICUS Rex Teuton.	Ditmarus Verdunensis.	Herlibo Brande- burgensis.
Emelricus	Vridelo	Herlibo — N. filia re- gis Nor- vvegiæ.
	Cognominati omnes Harlungi.	
Wolfus Rex Danicæ		Svetibor
Otto. Hermannus.	Vipertus	Sigena Go- suini Comi- tis F.
Juditha prima conjux.	VIPERTUS comes Groi- cësis Marchio Lusatiae	Cunegunda altera con- jux
Vipertus	Cunegunda Cunonis Bichlingi f.	Henricus. Bertha.

## FAMILIA